

QVÆSTIO MEDICA

CARDINALITIIS DISPTATIONIBVS MANE DISCVTIENDA.

IN SCHOLIS MEDICORVM, DIE IOVIS XX. MARTII.

M. ISAAC. RENAVDOT Doctore Medico, Præfide.

An Vinum hispanicum Senibus conferat?

1096

Q VAVIS ætate mortalis est ad æternitatem natus homo: Nempe haud solidum stimisque, sed quod omni tempore solvereur, corpus obtinuit. Duram hanc Fatilegem necui perturbare liceat, non illa solum faciunt, aut si afflicti circumstant, sed etiam quæ nobis sunt congenite cause: Insitque scilicet qui non genuit, solve vite cursum moderatur calor, dum ipsi servandi gratia suave illud, quo refectur, pabulum depascendo, sensim exhaurit, simul omnem corporis substantiam depopulat, atque tabescit; tandemque vocatissimè penas luit, & cum amicissimo humore emoritur: Sic homo sua sponte ad mortem currit: Atque hæc a calido in frigidum, ab humido in siccum progressio, ut vitæ metam, sic ætatem distinctim constituit. Neque enim hæc annorum numero, sed insigni quâdam nativi caloris & humiditatis mutatione, æstimande: Quippe, ut calor in humido permansione vita definitur, sic mutua & manifestâ utriusque actione & passione, quam extrema demum subsequitur siccitas, variæ circumscribuntur ætates: Quas pro triplici benignioris illius succi conditione ac statu divisere, in Crescentem, quæ juvenis; Vigentem, quæ firma est, ac si ferè undique similis; & Declinantem, quæ maxime continetur senectus. Pueritiam & Adolescentiam includit juvenus, quæ caloris & humoris copiam luxurians, ab ortu ad augmenti finem producit. Vigens & Adulta, flos vitæ, in medio extremorum est, quandamque tenet æquabilitatem: verè integra & aurea ætas, quæ omnibus cum animi, tum corporis bonis hominem cumulativè beat, efficitque velut quemdam *divi empyreum*, summâ tranquillitate frucentem, ligatis velut concordia pace humoribus omnibus. Vbi verò caloris inopia, nimisque siccitatis dominatu velut hebescenti nature vis, obrepit non intellectâ, licet omnibus desiderata senectus: quæ in Crudam, Provedioem, Caducamque distincta, nimio frigore, humorisque dissipatione tandem perneciem creat; nimirum decreta soliditatem partium substantiâ, consumptumque humore, statim extinguitur calor, perinde ac lumen, cui nihil olei infillatur, Sicque homo ex nature necessitate clam deducitur ad interitum: quem suâ quidem arte retardare, at inhibere nunquam potest Medicus.

E XCIPIENDIS morborum fatibus minis opportuni sunt fenes; & ut aliquando mollior ægrotare videantur, cerè vel tristis, vel nunquam curantur: neque enim habent, quod, ut adolescentes, diu se victores sperent, aut si sperant, insipienter sperant; An propterea animosiores, & ad appropinquantes & jamdiu meditate mortis terribilissima constantiores sunt? An quod homini suo tempore extingui optabile est, itaque litarum rerum, sic & vitæ debet esse modus atque satietas quædam? An quod non tanti est, nec tantum habet vita commodi, quin qui diu vixit, multa quæ noller, viderit? An quod honestè acta superior ætas magnâ consolatione permulcet extremam, facitque ut mollior ferat sapienter, quod vitæ non potest? Hic profecto vitæ extrême pars periclitatur in infirmitate virtus, cui vix aliquid intercedit commercij cum malorum omnium magistrâ & hortatrice voluptate: magnâque habenda est senectuti gratia, quæ efficit, ut ne libeat quo non oportet; ut animus tanquam emeritis omnium cupiditatibus stipendijs, quæ aliâ sapientiâ & ratione non poterat, asperneret, secus sit, vitæ reliquias in suos usus conferat, vinolentia, cruditate, insonijs, cibi potuique aviditate caret homo. Quin & tunc maxime viget longo rerum usu collectâ prudentia, ætateque firmata ac recoctis fenes, *maximè modeste & idè*, diminuti corporis robur pensat cõsilio atque autoritate: itaque ætatis, sic & sententiæ præcipiti tenet. His armis res magnas gerit, quodque magis deflorescit corporeus oculus, hoc mœris acie cernit acutius, quasi leviori factâ sarcinâ, divulsisque ruinolâ domus parietibus, clariore luminis tractus exipiat. At non semper honorata, fortis, & jucunda; multorum sæpe calamitosa est senectus, perditâque valeudo: Quot videtur est senes Callipides, Tithonos, Codros, Acheronticos, invalidos, fædicos, qui viribus effertis, utæque passivè similes, solâ linguâ juvenilem ætatem mœtuntur, nihilque aliud quam vox & umbra sunt; quibus natura, si diutius in vitâ esse velint, tanquam feneratorix, nunc visum, nunc auditum, nunc aliquid aliud auferit, veluti pignus exigit: simulque graviores multâ incommodis, tussi, catharro, apoplexiâ, paralyti, renum, vesicæ, articulorumque doloribus, quibus in dies ingravescuntibus missi ferendo non sunt. Quid quod ubi ad extremum venere senium, velut à calce ad carceres revocati, ad ipsamque revoluti infantiam, amissis dentibus balbutiunt, & tripurii sunt; Mens scilicet ipsa ob artissimam, quæ illi cum ægro corpore intercedit, societatem, ejus plerumque damnis implicatur; ex eoque senes multi iracundi sunt, morosi, diffidiles, timidi, inertes, queruli, avari, loquaces, comici: Et licet effecti corporis animique defectio non raro prægressa adolescentiæ efficiatur erroribus, sit tamen & ætatis ipsius vitio, quæ & grave reddit corpus, & mentem deprimit, eoque tenebras offundit. Quare convenienti rerum non naturalium usu, si minus *ex regela*, saltem *ex propria* procuranda. Ac quia tot affectuum radix est excellens siccitas, languentis calor, adhibenda fomenta, quæ extingunt penè calorem exsiccitatem, fermèque resolutam partium humiditatem instaurant.

V IS tot incommodis annos senectutis subvenire? eo utere alimento, quod non supervacaneo humore circumfluat, sed aërio, pingui, calido, spirituosum, sit *εὐχρηστόν & εὐχρηστόν*, vitæ principijs similium, & recreans senum viribus accommodatum: promptè bellèque nutriendo, tenuiorum & puriorum spirituum materiem præbeat; inutilisque succos omni penè morborum causas paulatim ablumendo, senilis ævum terminos longius proferat. Id genus alimentum vitæ est, succus è maturis uvis expressus, qui servendo sibi vires & multo fecit, *αὐτοῦ δὲ τῶν σικκινῶν διατηρούμενος*; quo nihil jucundius, nihil melius à Deo immortalium hominibus datum est; sed cujus abundantiam humano reservavit arbitrio, ut partimonia nature esset magisterium sibi virtutis & sublimitatis; & quæ abundantiam sequitur temulentia lapsu adscriberetur, non ut esset iramantium voluptatis, sed necessitatis subsidium. In eo sanè cœlestes splendent gratiæ, substantiæ sinceritas est eximia, ac quidam velut vitæ spiritus; id calore, odore saporeque gratissimum nemo non bibit avidè & suavis quovis Nectar & Ambrosiâ utetiam in fece & in vappâ insit native facultatis commoditas aliqua. Certe rerum omnium, quæ in usus humanos veniunt, vires in se complectitur, nec solum cibi potisque, sed etiam medicamenti rationem obtinet; *εὐγενές, εὐχρηστόν, ὑγιεινόν, & ὁδονόμον* author; nulli nature, temporis, sexui, vel ætati insensum, dignum idè Pæthisæ: pueris ipsis, si prudenter scitèque exhibeatur, felicitis adolecenti, minisque convulsionibus tentantur; Maxime tamen in senij gratiam videtur invenit liquor iste dulcissimus altero hominum parente jam senes, quod diluvij damna repararet, & festinantibus jam ad mortem corporibus mederetur. Nempe cum senes omnes frigidi & siccè affligantur, pauci sint sanguinis, & modico vidu opus habeant, ipsis vinum *ἡμέτερον τὸ διαιτῶν* utilisissimè datum; Nam & immixtionem ex hepatis cordisque siccitate squalorem inhibet, & quod superest caloris uberrimè fovet: languentem appetentiam excitat, ciborum coctionem & anadosim promovet, sanguinem frigidiorum suo calore ad temperamentum deducit, bilis amaræ frangit acrimoniam, præcordiorum itam temperat, timoris est pharmacum & feritudois calcar, hilaritatem letitiamque infundit, bonam spem, magnanimitatem & liberalitatem affert, tristitiam senectutis contubernalem & molestiâ sensum omnem abstergit, veterandiamque diluit: si denique later mens oppressa senio, tanquam ignis obducto cinere sopitus, moderato vini potu paululum commota, rursus accenditur atque erigitur.

S ED non omne vinum his pollet dotibus senes adiuturis; seligendum ad eam rem generosum, sincerum, potestate calidum, album vel flavum, spirituosum, odore fragrantissimum, sapore dulce & jucundum, quod ætatem bene ferat, non de dolio, nec vetustate nimia languidum, fugiens aut amatum, non faciatum & enerve, non durum & asperum, sed lenè ac tenerum, non crassum ac nigrum, non picatum, vel calce, sulfure, moscho, ambaro, melle, aut similibus rerum admixtione nocens & adulteratum, sed simplicissimè: Quale est vinum hispanicum, præsertim quod ex Hispali opulentissimo totius Europæ emporio, ex portu Caliz, & alijs quibusdam secus Oceani & Mediterranei litora usque ad Gades, ad nos frequenter navigatione transmittitur. Neque enim hispani vini una omnino est natura, consimilisque facultas; sed potissimum habentur ejus species varie, pro diversitate locorum ubi nascuntur. Vinum Malacæ civitatis munificentiâ ad fauces freti Gaditani sub Episcopatu Granatensi, vinosum est, robustum, flavum, sapore & odore gratissimum, cujus dulcedo penè incredibilis. Vinum Xerez urbis fertilissimæ juxta portum sanctæ Mariæ, in eâ Hispaniæ Betice parte, quæ Andalusia dicitur, tarum admodum, album, substantiâ sincerâ, album quoque, tiffimum, amabile tamen, quod dum effunditur lenibus exultat stillis, ac veluti pungendo lingue lenocinat. Canariense ex insulis Canarijs in Oceano Atlantico, quas olim fortunatas dixerat, album, valentissimum, quicquid incolat, qui primus artem docuit illius conficiendi ex vino Malacensi purgatissimo, & paucis spiritibus vini; est admodum album, limpidissimum, omnium calidissimum, guttis scintillans, absque ulâ fece, odore fragrans, sapore subamarum. Vinum ab Alicante civitate maritima regni Valentie, robustum, subflavum, mediocri substantiâ, succi bonitate & suavitate alia superat, frigidis servatum cellis etiam post trigessimum annum potentius evadit, viribus rescindendis utilisissimum, odore solo recreat spiritus. Tandem aliud est vini hispanici genus, quod vocatur Perofimenez, ex agris oppidi Gadalkazar, in pago Madronales, sub civitate Astigianâ, diceffis Hispanensis, celeberrimum, minus robustum, album, odoratissimum, suavissimum, ceu blanda Syren in potantium animos mollior influens, vetriculo, cerebro, cordi amicum. Hisce potissimum vini generibus inter omnes Europæ regiones felix sese jactat Hispania, quæ ob naturalem suam, benigniorem cœli aspectum, peculiarem soli vim, & eam quam mare adspicit autem letiorem, vini nobilioris est feracissima. Sic vivaciore & robustiora sunt animalia, quæ circa maritimas degunt oras: & laudatâ à veteribus vina omnia fermè maritima: Imò quod vocatur Tchalafomènon aque marine permixtionis purius salubriusque evadit. An propterea vulgare fert adagium, mergendum æquore Dionysij? An & idcirco Delphinos maris bellas Libero sacras fingunt potest? Quidni itaque & mari deportata defæcatoria delicatiorque fiant: digerente, ac velut spiritum vitalem addente, maris halitu.

V INVM hispanicum, natum inter faxeos colles & cautes asperas Soli objectas & mari, reliqua omnia nobilitate superat & virtute: Ipso Pollionis Romuli multo longè præstantius. Non Pramnium maris Icarij, non Maroneum in Thraciâ littore, non Calybonium apud Pæthos, non Thafium, Mendæum, Creticum, Chium, Coum, Gnidium, Lesbium, Tmolites, Rhodium, ceteraque ejusmodi græciæ; Imò nec Falernum, Massicum, Gauranum, Surrentinum, Cæcubum Italici Campaniæ felicitis; non sunt, inquam, hæc vin genera calidissima, licet ultra centesimum annum durare queant, cum hispano conferenda: Ista enim adeo laudata Andagiorum vina, ut plurimum defruta, crassa instar sapæ, & in adulterium potius mellis excogitant, in obsonia potius, quam in potum veniebant; imò fumosa, exulta, amara, varijs alterata mixturis sepius offendeabant. Hispanicum præterquam quod omnes vini optimi dotes integras obtinet, quovis aliorum vitio caret; non tentat caput, raro inebriat, mali vix quidpiam creat, etiam largius haustum, quod ferè tartari fescidique experts sit; imò penè omnium, imprimis pestilentium & malignarum febrium alexiterum est præsentissimum, munit magica, hiera hermetica, vivido lacte, alipta diuina, similibusque Chymistiarum nugis, & *κατακοιμωμένην*, imò ipsis margaritis, lapide Bezoartico, pretiosis gemmarum fragmentis, theriacis omnibus, cerevisiæ cardiacis longè potentius: Eò ut Aquilæ, sic senum renovatur juvenus, præpedito coram marcore. Errare igitur eos, qui meliori liquore refecti posse fenes putant, docet ufus haud stolidus magister, confirmat & ratio: utroque usui norma ac regula: vella ipsi alimento præstantissimo preferendus, is ciborum & potum meritis princeps, palato summè gratus, debilis stomachi fomentum, vir purus sit, vir aquâ vel vino aquâ utitur temperatus. Ita potè familiaritatem quadam naturæ cum senili temperie consentit, ut facillima sit & celerissima ejus in laudatissimum sanguinem commutatio; unde partes carnosæ & solidæ omnes, quæ aliquo vitæ virgili calidius humorisque inopiâ tabescerent, funditusque exarescerent, hoc lucculento & lapido rore, quasi jucundissimo nece perfringuntur; spiritus, quorum tenuis est census, prostrataque vires suscitantur; exerecentur humores coquantur; ferola colluvies, quæ plurima subest in senili corpore, per urinas & sudorem educitur; cerebrum familiaribus senectutis vigilijs exsiccatum, blandâ quadam *αἰσθητικῇ* irritat, obrepitque somnus fatigatorum corporum simul atque animorum grande solatium, ac delitice morientium: Eo ipso calculi, in multis corporis partibus insidioso subnatis, generatio prohibetur: &, quod supra fæden est, ipsæ articuli humorum dolor, Bacchi Venerisque partus, vino præcaveatur & curatur hispanico: Quin & humorem melancholicum contumacem temperat, ejus frigiditatem oppugnat, crassitatem incidit, cruditatem coquit, tenacitatem castigat, feritatem demulcet, tanquam *ἡγερῶν* *αὐτῶν καὶ ἀδύνατον παρακαλῶν*, Eum igitur, qui vix ejusmodi moderate & ex ratione utetur, non cura excedet, non tristis senectus franget, non gravior ullus opprimit morbus, non acumen ingenij frigidus sanguis obtundet; imò vel in ipso ætatis portu vegetus ad suscipiendam prolem etiam maxime idoneus erit: iracundiam æquanimitati commutabit, durior vindicta etatis propria, velut ferrum in igne, mollietur, ejusque severitas prudenti facilitate temperabitur: Fiet denique senex perfectus *ἡ δὲ τῆς αἰσθητικῆς* ac post Nestoreos annos, tanquam exercitatus histrio, probè peractâ senis fabula, animam placidissimè exhalabit.

Ergo Vinum hispanicum Senibus conferat.

Proponcbat Lutetiæ ANTONIVS DE CAËN, Parisinus. Anno Domini M. DC. LIX.

536